



TOSHKENT DAVLAT YURIDIK UNIVERSITETI REKTORINING B U Y R U G ' I

18.08.2022

226-um-son

Toshkent davlat yuridik universiteti talabalari uchun “Talaba-talabaga ko‘makchi” shiori ostida “Mentorship program” loyihasini yo‘lga qo‘yish to‘g‘risida

Toshkent davlat yuridik universitetida talabalarning o‘zini-o‘zi boshqarish tizimini samarali tashkil etish, talabalikka tavsiya etilgan abituriyentlarni universitet sharoitiga moslashishlariga ko‘maklashish, o‘tiladigan modullarni samarali o‘zlashtirish usullarini shakllantirish, ilmiy-ijodiy faoliyatga qiziqishlarini oshirish ularga universitet ijtimoiy hayotida faol bo‘lishlarida amaliy ko‘mak berish hamda o‘zlashtirish ko‘rsatkichi past bo‘lgan yuqori bosqich talabalari bilan “Talaba-talabaga ko‘makchi” shiori ostida “Mentorship program” loyihasini samarali amalga oshirish maqsadida

B U Y U R A M A N:

1. Toshkent davlat yuridik universiteti (bundan buyon matnda – universitet) Talabalar assotsiatsiyasi a‘zolari hamda faol talabalarning universitetda “Talaba-talabaga ko‘makchi” shiori ostida “Mentorship program” loyihasini amalga oshirish hamda loyiha doirasida tanlab olingan 60 nafar talabalar uchun Toshkent viloyatining Bo‘stonliq tumanidagi Yoshlar oromgohida bir haftalik o‘quv dasturlarini tashkil etish bo‘yicha bildirgan taklifiga rozilik berilsin.

2. “Talaba-talabaga ko‘makchi” shiori ostidagi “Mentorship program” loyihasi doirasida Yoshlar oromgohida o‘tkaziladigan bir haftalik o‘quvlarga jalb qilingan 60 nafar talabalarning yashashi, ovqatlanishi, bayram dasturxonlarini tashkil etilishi, loyiha doirasidagi dasturlarni tashkil etilishi bilan bog‘liq sarf-xarajatlar O‘zbekiston Respublikasi Yoshlar ishlari agentligi mablag‘lari hisobidan qoplanishi, ishtirokchilarni oromgohga olib borish, olib kelish va tog‘-yon bag‘rlariga sayohatlarini tashkil etish bilan bog‘liq yo‘l xarajatlari universitet mablag‘lari hisobidan qoplanishi inobatga olinsin.

3. “Talaba-talabaga ko‘makchi” shiori ostidagi “Mentorship program” loyihasi doirasi universitetning 60 nafar talabalari 2022-yil 20-26-avgust kunlari Toshkent viloyatining Bo‘stonliq tumanidagi Yoshlar oromgohida

yuborilsin.

4. Loyiha doirasida ishtirokchilarni Yoshlar oromgohiga olib borish, olib kelish va tog‘-yon bag‘rlariga sayohatlarini tashkil etish bilan bog‘liq yo‘l xarajatlari universitet mablag‘lari hisobidan qoplansin.

5. “Mentorship program” loyihasi doirasida Yoshlar oromgohida o‘tkaziladigan kunlik tadbir va loyihalar dasturi ilovaga muvofiq tasdiqlansin.

6. Ma‘naviyat va ma‘rifat markazi (Sh.Po‘lotov) hamda fakultet dekanlari:

Talabalar assosiatsiyasi hamda O‘zbekiston yoshlar ittifoqi boshlang‘ich tashkiloti faollari bilan birgalikda “Mentorship program” loyihasi mazmun-mohiyatini talabalar orasida keng targ‘ib qilish va tushuntirish ishlarini olib borish choralari ko‘rsin;

Mentorlik faoliyati maqsadlaridan kelib chiqqan holda loyihani samarali amalga oshirilishi, mentorlik faoliyatini talabalarning o‘zini-o‘zi boshqarishning asosiy yo‘nalishiga aylantirish bo‘yicha mentorlarga uslubiy ko‘mak hamda amaliy yordam berish choralari ko‘rsin;

Mentorlar tomonidan talabalarga ko‘rsatiladigan amaliy yordamlar hamda mentorlikning mazmun mohiyati yuzasidan qo‘llanma (handbook) tayyorlab mentorlikka jalb qilingan talabalarga taqdim etish choralari ko‘rsin;

“Mentorship program” loyihasi ishtirokchi talabalari bilan belgilangan joylarga o‘z vaqtida kelish, Yoshlar oromgohida belgilangan tartib qoidalarga rioya qilish, texnika xavfsizligi qoidalariga rioya qilish, biriktirilgan mas‘ullarning ko‘rsatmalarini bajarish hamda loyihada tartibli va intizomli tarzda ishtirok etish bo‘yicha tushuntirish ishlarini olib borsin.

7. Yoshlar masalalari va ma‘naviy-ma‘rifiy ishlar bo‘yicha birinchi prorektor A.Hashimhonov:

“Mentorship program” loyihasini yuqori saviyada tashkil etish, ishtirokchilarni yoshlar oromgohiga xavfsiz olib borish va qaytib olib kelish bo‘yicha tegishli choralarni ko‘rsin;

loyiha dasturidan joy olgan o‘quvlar, mahorat darslari, jamoaviy kirishimlikni ta‘minlovchi intellektual o‘yinlar, tadbir va musobaqalarni yuqori saviyada tashkil etilishi, ularda barcha ishtirokchi talabalarni to‘liq qamrab olinishini hamda jarayonlarni videotasvirga (keyinchalik ham faoliyatda foydalanish maqsadida) olinishini nazoratga olsin;

“Mentorship program” loyihasini yuqori saviyada tashkil etish bo‘yicha Ma‘naviyat va ma‘rifat markazi xodimlari hamda tyutorlardan iborat tarkibda mas‘ullarni belgilasin;

loyiha davomida mentor sifatida tanlab olingan talabalar uchun Mentorlik faoliyati maqsadi va yo‘nalishlariga muvofiq darslar olib borilishiga alohida e‘tibor qaratsin;

Talabalarni oromgohga xavfsiz borib-kelishlari uchun Ichki ishlar idoralari bilan yaqindan hamkorlik qilish choralari ko‘rsin.

8. Moliya-iqtisod masalalari bo‘yicha prorektor (A.Iminov):

Loyiha ishtirokchilarni Yoshlar oromgohiga olib borish, ularni Toshkent shahriga qaytarib olib kelish hamda tog‘-yon bag‘rlariga sayohatlarini tashkil etish uchun avtobusda xizmat ko‘rsatuvchi tashkilotlar bilan shartnoma imzolash va tashuvlarni tashkil etish choralarini ko‘rsin;

loyihani tashkil etishga mas‘ul etib belgilangan xodimlarni hamda oromgoh dasturidan joy olgan o‘quvlarni va mahorat darslariga taklif etiladigan mehmonlarni oromgohga borib-kelishlari uchun universitet xizmat moshinalarini ajratish choralarini ko‘rsin.

9. Buxgalteriya (A.Axmuratov) loyihani tashkil etish bilan bog‘liq xarajatlarni universitetning byudjetdan tashqari mablag‘lari hisobidan qoplash choralarini ko‘rsin.

10. Devonxona (X.Abdullayev) ushbu buyruq bilan barcha tarkibiy bo‘linmalarni tanishtirsin.

11. Mazkur buyruq ijrosi nazoratini o‘z zimnamda qoldiraman.

Rektor



A.TASHKULOV

Toshkent shahar

Kiritildi:

Direktor

SH.PO‘LOTOV



Kelishildi:

Moliya-iqtisod ishlar bo‘yicha
prorektor

A.IMINOV



Devonxona mudiri

X.ABDULLAYEV



Bosh buxgalter o‘rinbosari

A.AXMURATOV



Katta yuriskonsult

E.XOSILOV



Buyruq bilan tanishdim

SH.PO‘LOTOV

